



Lofmynd af framkvæmdunum í Vik á Kjalarnesi eins og þær voru á þjóðhátíðardaginn í sumar. Ljósmynd af heimasíðu SÁÁ

SÁÁ fagnar fertugsafmæli

Samtök áhugafólks um áfengis- og vímuefnavandann hafa nú starfað óslitið í 40 ár og meðhöndlað á þriðja tug þúsunda Íslendinga og fólk af öðru þjóðerni. Segja má að samtökin hafi með starfi sínu sýnt þjóðinni fram á að fíknsjúkdómar séu ekki ólæknanlegir eins og löngum var talið. Og eins og vera ber á afmælisári er heimikið að gerast á vettvangi samtakanna.


Myndin hér að ofan var tekin í sumar af framkvæmdum sem nú eru á lokastigi í Vik á Kjalarnesi. Þar var lítil eftir meðferðarstöð fyrir konur í tveimur húsum en nú er búið að bæta við þau eins og sjá má. Áætlað er að konurnar geti tekið upp þráðinn nú í september en í afmælis mánuðinum, október, verða nýbyggingarnar teknar í notkun ein af annarri. Þegar allt verður komið á sinn stað er ætlunin að húsið leysi Staðarfell í Dölum af hólmi en þar hefur verið veitt eftir meðferð um langt árabíll.

SÁÁ var stofnað eftir fjölmennan borgarafund í Háskólabíói 1. október 1977 og verður haldið upp á afmælið með því að endurtaka þann fund á sama stað að kvöldi afmælisdagsins. Áfram verður fagnað með ráðstefnu dagana 2.-4. október á Hótel Hilton Nordica. Þangað er boðið mörgum af áhrifamestu læknum og sérfræðingum heims á sviði fíknlækninga og erfðafræði. Nægir að nefna bandarísku lækna Nora D. Volkow, Patrick G. O'Connor, David R. Gastfriend, Andrew H. Talal og fleiri, Finnann Kaarlo Simojoki og að sjálf-sögðu Þórarin Tyrfinngsson sem stýrði meðferðarstarfinu á Vogu frá upphafi fram í maí á þessu ári.

Að sögn Valgerðar Rúnarsdóttur læknis og forstjóra Sjúkrahússins Vogs verða ekki fluttir langir fyrirlestrar á ráðstefnunni heldur stefnt að því að koma á samræðum sérfræðinga og þjóðarinnar um þann vanda sem SÁÁ hefur glímt við í fjóra áratugi með góðum árangri.

LISTAMAÐUR MÁNAÐARINS

Leiðangurinn á Töfrafallið er samstarfsverkefni nokkurra lista- og fræðimanna sem stendur yfir á árabíllinu 2013-2020. Nú í haust stendur yfir sýning leiðangursmanna í Nýlistasafninu á þessu sérstæða verkefni, eins konar stöðumat þegar ferlið er rétt um það bil hálfnað. Verkefninu lýsa leiðangursmenn sem tilraun með tíma og rúm sem kannar skynjun, þekkingu og vitundarsvið, fyrr og nú. Aðferðirnar sem þau beita eru á sviði myndlistar, bókmennta, samræðna, athafna. Leiðangursfélagar eru myndlistarmennirnir Steingrímur Eyfjörð, Haraldur Jónsson, Unnar Örn Auðarson og Karlotta Blöndal, kvikmyndaleikstjóri Ása Helga Hjörleifsdóttir, dr. Gauti Kristmannsson, þýðandi og prófessor í þýðingfræði við Háskóla Íslands og dr. Birna Bjarnadóttir, rithöfundur og fræðimaður við Stofnun Vigdísar Finnbogadóttur, Háskóla Íslands. Leiðangurinn styðst við skáldsöguna Töfrafallið (þý. Der Zauberberg) eftir Thomas Mann frá árinu 1924 sem lýsir dvöl manns á berklaðhæli í fjarlægð frá ys og þys borgaralegs samfélags. Könnun hópsins nú, rétt um öld síðar, snýst um skynjun á evrópski samtímameningu. Um leið mótast hún af túlkun á stöðu eyjunnar Íslands í evrópski menningu og sögu. Í október



2013 fór leiðangurinn í könnunarleiðangur til sögusviðs skáldsögunnar. Hópurinn dvaldi á Berghotel Schatzalp í Davos sem er eitt af fyrrum berklahælum staðarins og talið er að Mann hafi nýtt sé til að lýsa Berghof-hælinu í skáldsögunni. Hótelið var tóm meðan hópurinn dvaldi þar og skráði hughrif sín, skynjanir og samtöl í máli og myndum, kvikum sem kyrrum. Myndin á forsíðu Lækna- blaðsins er hluti af skrásetningu úr þessu ferðalagi. Leiðangurinn stendur yfir til vorsins 2020, með sýningum og gjörningum sem haldnir verða í galleríum og öðrum stöðum á Íslandi og meginlandi Evrópu. Lokatakmark leiðangursins er að gefa út fyrstu íslensku þýðinguna á Töfrafallinu og bók sem mun innihalda uppskeru leiðangursins í formi myndlistar, ritgerða og textabrot. Í tengslum við yfirstandandi sýningu í Nýlistasafninu stendur leiðangurinn fyrir gerð útvarps- þátta sem nálgast má á vef safnsins, en jafnframt er boðið upp á dagskrá í safninu sjálfu auk útgáfu plakats og fréttablaðs sem og hljómplötu í takmörkuðu upplagi. Sýningin stendur til septemberloka.

Markús Þór Andrésson

Útgefandi

Læknafélag Íslands
Læknafélag Reykjavíkur

Ritstjórn

Magnús Gottfréðsson,
ritstjóri og ábyrgðarmaður
Elsa B. Valsdóttir
Gerður Gröndal
Hannes Hrafnkelsson
Magnús Haraldsson
Sigurbergur Kárason
Þórdís Jóna Hrafnkelsdóttir

Tölfræðilegur ráðgjafi

Thor Aspelund

Ritstjórnarfulltrúi

Védís Skarphéðinsdóttir (í leyfi)
vedis@lis.is
Próstur Haraldsson

Blaðamaður

Hávar Sigurjónsson (í leyfi)
havar@lis.is

Auglýsingastjóri og ritari

Esther Ingólfssdóttir
esther@lis.is

Umbrot

Sævar Guðbjörnsson
saevar@lis.is

Upplag

1900

Prentun, bókband og pökkun

Prenttækni ehf.
Vesturvör 11
200 Kópavogi



Áskrift

14.900,- m. vsk.
Lausasala
1490,- m. vsk.

© Lækna blaðið

Lækna blaðið áskilur sér rétt til að birta og geyma efni blaðsins á rafrænu formi, svo sem á netinu. Blað þetta má eigi afrita með neinum hætti, hvorki að hluta né í heild, án leyfis.

Fræðigreinar Lækna blaðsins eru skráðar (höfundar, greinarheiti og útdrættir) í eftirtalda gagnagrunna: Medline (National Library of Medicine), Science Citation Index (SciSearch), Journal Citation Reports/Science Edition, Scopus og Hirslna, gagnagrunn Landspítala.

The scientific contents of the Icelandic Medical Journal are indexed and abstracted in Medline (National Library of Medicine), Science Citation Index (SciSearch), Journal Citation Reports/ Science Edition and Scopus.

ISSN: 0023-7213